

永樂大典卷之七千三百二十五

十八陽

郎

承事郎

沿革宋史職官志元豐寄祿格以階易官雜取唐及國朝舊制以承事郎易大理評事為階元豐通考流狀元及

華軍補任子之知官事物紀原隋置徵事郎仁宗嫌名改曰承事金史百官志文官階有承事郎正八品下元史百官志文散官置承事郎正七品國朝諸司職掌文散官承事郎正七品

事實紹興志夏泰亨字叔通生而穎悟九歲能屬文義從莊節韓先生學

毛詩至順癸酉中江浙行者鄉貢進士會試終場至元乙亥中江浙鄉試

進士是歲科舉廢泰亨由紹興路學正歷事至江南湖北道肅政廉訪司

知事尋除應奉翰林文字承事郎同知制誥兼國史院編脩官道梗不赴

晚歸鄉里益玩心義理號曰矩軒所著書有詩經音考通鑑綱目釋文并

文集十卷宋張廣惠意集鍾離松轉右承事郎制勅具官某朕聞達輔

臣遠脩郵好爾以幹敏常從其行見謂賢勞宜頒信賞增秩二等往務欽

承 普康郡主潘氏夫鄭珙轉右承事郎 勅具官某爾以才華熙姻肺
附泰稽舊典用渙湛恩其增一官勿忘欽構許應龍東潤集周坦授承事
郎制 登第而調官者皆給告而居首選者獨命詞以寵之蓋異渥也以
爾儒林發藻覺含裴聲對策斯庭著明深切允爲宏論可舉而行擢冠群
英師言咸穆授以京秩贊畫帥藩萬里馳圖由茲發軔其堅素節以副盛
名郎起潛立庵外制狀元留夢炎特授承事郎制 朕惟進士設科名臣
輩出寤寐英薦圖濟時艱臨軒親策訪以內脩外攘之務覽爾洋洋之對
惟曰克艱甚稱朕意擢爲第一授之京秩開爾仕途益涵遠業思稱所蒙
洪平齋集趙希德轉承事郎制 勅具官某永王朕大父行也莫都老成
之則尚思垂後之請爾其孝子信厚有傳進陟一階前言是踐庸示予追
遠睦族之意可任希夷斯庵集袁甫承事郎制 迺者朕親策士于廷對
者十有餘人惟爾之言通達國體於是擢爲第一九陸驢傳乃吾少司成
之子也理儒科五世矣朕甚嘉之茲庸命以京秩實予幕府試之以事俾
實其言夫名固貴於能居士當期於致遠益堅學古之志以崇蓄德之基
尚克勉哉式光於選王魏公集文序博男宗道可承事郎制 勅某爾父
相我仁祖協佑聖謨進建元儲國以恭定忠勞勲績謙弗自名無言不讎

宜爾褒顯。以爾幼承義訓。夙有令名。擢授官禁。迺時異數。非獨上稱文考
念功之意。庶幾光昭神祖。知人之明可。洪造盤洲集左迪功郎龔德父岐
封右承事郎制。朕以孝治天下。推紫壇之澤于有官君子。凡紹背親齒
之老。有子列于仕籍者。咸得而寵光之。爾脩身齊家。旌期稱道。義方之訓
著于鄉鄰。載增命秩。以爲爾桑榆之榮。劉行簡若溪集左修職郎陳嚴改
左承事郎制。勅具官某。爾以儒生。習於韜略。論議根據。靡靡不窮。沈伏
下僚。莫克施用。以功自見。朕用汝嘉錫之渙恩。俾階京秩。其思勉勵。以稱
所蒙可。吳泳題林集趙希鑑降授承事郎制。勅具官某。頃者州郡戍兵。
相挺爲亂。德安趙敵尤甚者。爾爲半刺史。攝承府事。不濩智畧。以遏亂
萌。遂使一城盡罹荼毒。汝縱不歸死於司敗。焉能免人尤哉。姑鑄二階。以
警百慢可。黃隨降授承事郎制。勅具官某。謝安戒約于弟。無預人事。
柳公綽訓其子。不交簞笥。懿哉士大夫家範也。爾競爽而藝。擢筆而新。纔
入仕林。如利劍發硎。何可當其銳。侍親西戍。聲頗不佳。慥慥之言。溢于臺
疏。古人謂過則稱己。是人子自稱也。今乃使人譏數。而歷排之。豈不重貽
親羞哉。其上三階。所以王汝可。袁宏齋集吳叔告補承事郎制。勅具官
朕玩索中庸之旨。常取要切之訓。筆之于書。洎策士大廷。茂明正學。隱然

言意之表固有在也。爾抱負所蘊求從遠方。乃能若稽古訓。舉發強寇。察之語。教暢厥義。深契朕心。爾其亦有味於中庸之書矣。是用親撰。褒然爲舉首懋之哉。毋志溫飽。益克器業。以其所以勉予者自勉焉。庶乎無忝高著。齋薇垣顯業。宣義郎行籍田令。淮南西路安撫使司。主管機宜文字。兼都督江。淮。京。湖。四。川。軍。馬。行。府。幹。辦。公。事。杜。庶。特。授。宣。教。郎。承。務。郎。特。差。充。淮。南。西。路。安。撫。使。司。主。管。書。寫。機。宜。文。字。杜。庶。特。授。承。事。郎。制。淮。淝。之。圍。虜。勢。披。猖。甚。矣。爾。以。其。職。與。衆。士。戮。力。一。心。爲。干。城。計。有。司。以。功。狀。來。上。予。於。賞。乎。何。靳。用。陞。而。秩。一。秩。以。旌。爾。勞。范。太。史。集。謝。男。安。道。授。承。事。郎。表。公。朝。懋。賞。私。室。叨。榮。懇。避。無。從。感。行。茲。極。伏。念。臣。早。歷。列。爵。幸。克。有。家。服。米。先。朝。備。位。上。宰。奉。詢。謀。於。大。議。同。登。珥。於。元。儲。何。圖。神。聖。之。知。荐。被。褒。嘉。之。典。數。收。弱。息。並。預。周。行。薦。前。勲。而。不。忘。懇。舊。德。之。可。食。此。蓋。伏。遇。皇。帝。陛。下。睿。明。稽。古。信。厚。記。功。俯。軫。及。幼。之。恩。數。錫。馭。臣。之。福。賞。延。于。世。既。祇。服。於。寵。私。仕。教。之。忠。誓。共。期。於。報。塞。劉。元。城。盡。言。辜。謝。叙。承。事。郎。表。臣。其。言。淮。峽。州。牒。齊。到。告。命。一。道。伏。蒙。聖。恩。特。授。臣。承。事。郎。者。廣。度。并。包。既。躡。黨。禁。湛。恩。汪。濊。稍。復。文。階。祇。荷。寵。臨。惟。增。感。涕。中。謝。伏。念。臣。頃。以。冥。陋。早。列。禁。嚴。得。罪。先。朝。久。投。遐。裔。屬。真。人。之。御。極。敷。大。號。以。

惟新誤被甄收再加任使曾未成於薄効已荐致於煩言一謫蠻貊三周
歲律豈謂桑榆之景復回日月之光伏遇皇帝陛下躬德清明性仁惻隱
道思齊於堯舜弊將革於漢唐持刑名書俾遷仕籍臣敢不奉承睿訓循
省宿愆含垢匿瑕雖難酬於覆燾靡臞粉骨或少補於涓埃臣無任

承直郎

沿革宋史職官志崇寧初因刑部尚書鄧洵武請又換選
八七階以承直郎換留守節察判官金史百官志文官階

有承直郎正七品下元史百官志文散官置承直郎正六品國朝諸司
職掌文散官承直郎正六品

事實宋張廣東寬集宋文循右承直郎制勅具官某川陝市馬入充
廐牧所遇州縣調度尤艱爾今竹山臨事不苟驛舍易秣檢校惟時使者
以聞不可無賞增秩一等用勸其餘李若川玉輅成備右承直郎勅
具官某朕惟車輅所常之制所以昭等威也艱難以求禮文殘闕比詔有
司脩舉舊儀爾預有勞其可無賞肆增厥秩往務欽承李璧鳳湖集楊冠
卿轉承直郎朕稽案邦彞遺聘殊域使事增饒皇靈誕昭汝以藝文實
掌賤奏輅車旋邁預有勞勸進官示勸尚其祇欽洪平齋某林應龍轉承
直郎制勅具官某飛錢造幣蜀材孔良權輸外幣歲有常額爾董裝發

應我賞科其進一階益勤勿懈可歸順僞進士出身齊希古禱承直郎制勅具官某爾久厭誨哀樂慕冠帶鋒旗所指相與挈符籙而歸職方可謂知義矣持昇文階毋忘忠蓋可鄭起潛立庵外制儒林郎提領戶部搞賞酒庫所准備差遣兼兩浙轉運司幹辦公事王夢得特轉承直郎制頃畿漕輶輟不擾而辦格當賞而吾漕臣請貽乃僚蓋爾有協佐之勞而爾長有推賢之遜且為效勞者勸焉實一人而三善具朕甚嘉之晉陟一階尚思報稱袁蒙齋集俞括轉承直郎勅具官朕篤親親之恩施及庶姓爾亦與焉其進選階尚思報効使天下毋謂朕私劉俊村集迪功郎鄭立道循承直郎制鹿磯之捷蓋吾上相指授亦師武臣力也幕府上功爾以書生有勞其間如格進秩以勤來者吳泳鵬林集陳秉權督辦餉運授承直郎制勅具官某從事獨賢詩人所以閔周大夫之勞也爾為南脩糾擢典獄之外又能督餉運以濟王師之缺遺亂萌以弭蕭牆之患亦可謂勞矣進汝二階以勸能者可陳玠授承直郎制勂具官某慶壽東朝揚徽寶冊爾為臺吏庀職知班奔走服勞迄于成禮先循一級懋忠勤可趙愷夫特授承直郎制勂具官某黎人不恭干我王紀帝室之貴幙府之賓乃能鼓率官軍與七十二人戰賊取鯨鯢而殲之可謂

勇於義矣進秩一階用勸來者可 徐獻子特授承直郎制 勅具官某
頃者宜城淺鬻慢防侵我省地官軍輻湊遂洗煙瘴而清之爾以合浦法
掾與討擊之謀幕府上功何惜一官不以華汝可 趙與瓊特授儒林郎
趙敷夫特授承直郎制 勅具官某等惠陽戍卒肅兇逼我清海得吾威
望重臣鎮柑之遙即底定爾等同力合謀措畫隄備迄成誅叛之功亦可
嘉矣各進一秩往服朕命可 崔叔同特授承直郎制 勅具官某惠陽
戍卒稱亂得吾威望重臣鎮撫之遙即底定爾才業之懿得於家庭自新
城糾曹歸贊機輻元兇就戮汝與有功焉特遷二階勉汝忠孝可 鄧聞
禮特授承直郎制 勅具官某永豐盜平朝廷第功行賞以爾曾尉斯邑
殄殲渠魁功不在下中等特陞二階勉服休命可 水丘表特授承直郎
制 勅具官某楮幣之折閱非一涂也而偽會爲滋甚爾覈對宣城盜有
偽造者乃能悉力擒捕以正典憲既應賞格朕何靳一官不以旌汝可
林完國特授承直郎制 勅具官某豐徑負恃其險突入省地俘掠我民
衆宜城守將分兵討擊爾實董督運軍能使軍有派錢士皆宿飽以成破
賊之功汝亦可謂有勞矣進陞一級以勸庶邦可高著齊徽垣類葉迪功
郎濠州定遠縣主簿成發藻昨居安豐軍日兼本軍節制司僉廳往來監

視諸砲復功特補四官循承直郎制 安豐之圍我圍棘矣維時僚吏勑力一心圖爲禦侮計爾仕于鄆州乃能入司機石使衆破雷野擊虜而奪之氣賞從其厚用以選階極品式旌爾勞 儒林郎趙希遠以前任臨江軍錄事參軍提督脩築堤岸有勞特與循承直郎制 臨江爲郡以章貢合派西東衆河橫貫東下三水匯而爲一用懼蕩折之憂郡竭力以蓄健爾服勞以相役非精練有材維躬是瘁寧濟于成其涉一階以昭懋賞 宇文壽祖特轉承直郎制 爾名家之裔乃能以忠勇自奮鋤姦復境三以績聞功多有厚賞國家所以屬世旌忠選極七階是酬多績

從事郎

沿筆宋史職官志崇寧初因刑部尚書鄧洵武請又換選人七階以從事郎換防團推官監判官元史百官志文散

官置從事郎從七品

事實宋張廣東憲集李玉循右從事郎制 勅具官某頃者盜發江東猖獗惟甚師旋奏凱爾預有勞肆增厥官以爲爾寵益思懋勉以稱所蒙 趙興循右從事郎制 勅具官某聞者慈寧四鑒中外均慶爾以使屬奉迎有勞其增厥官以爲爾勸 李璘循右從事郎制 勅具官某朕仰惟慈寧四鑒中外稱慶奉迎官吏趨走在途肆疇其勞用增爾秩往思自懋

以稱所蒙。霍輯循右從事郎制。勅具官某往歲淮西用武捷奏日聞。雖一時汗馬之功。亦千里饋糧之助。士得飽食。爾預有勞。其增級官。以示激勸。王光賓循右從事郎制。勅此者梓宮言還中外興慕。一時官屬迎護良勞。耳在選中。合頒信賞。進階三等。用答爾勸。求許循右從事郎制。勅具官某頃者。邕管鳩工。繕脩城壁。爾以健敏。預有勞能。其增級官。以爲趨事者之勸。黃鯉循右從事郎制。勅具官某。朕哀矜庶獄。著定令。以一歲禁囚。瘐死之多。寡爲。逐路理官之職。嚴爾應比。賞是謂能承吾欽卹之意。王輅成徐揚循左文林郎。何獎先循右從事郎制。勅具官某等。車輅旂常之制。所以昭等威也。朕比詔有司。講求其制。煥然百度。爲之一新。爾預有勞。可無勸賞。其增爾秩。往務欽承。陳志應循右從事郎制。勅具官某。先王之時。百工伎藝。咸欲精巧。勸名考試。以第殿最。況戎器乎。今歲終會課。爾勞足錄。其增爾秩。以爲趨事者之勸。向子廣循右從事郎制。勅具官某。聞者戈船之役。辦集如期。爾預有勞。宜加優賞。進階一等。往務欽承。王蕭循右從事郎制。勅具官某。頃者敵人南牧。犯我疆陲。江陰之域。實當控扼。攻守之備。爾預有勞。其增級官。以示信賞。祇承朕命。往哉惟欽。洪文安公小隱集。右迪功郎李彝循右從事郎制。

使大金國。信使蘇行下。使華脩睦爾。與有行。嗜其舊勞。不廢舊律。進官一等。尚克丕銘。舊忠惠先生。集上舍出身。宗室子。厚子。修等。從事郎制。朕畏育人材。庶幾古昔。惟多士生此王國。莫匪俊髦。抑黎獻共為帝臣。助成至治。矧祖宗神明之後。而公族本根之親。豈無其人。以副朕意。汝等。率循胥子之教。亦列鄉老之書。惠保令名。無忘所學。勅賜上舍及第一人。陳公輔。除承事郎。第二三人。胡松年。陳與義。並從事郎制。古者司徒論俊達之士。司馬辨論官材。所以崇養作威。將與為治也。朕賓興賢能。如古學校。將以多君子。使之在位。惠養于眾。庶汝等。行藝策名。朕所加禮。求學之為王者。事久矣。其益尊汝所聞。汪藻。淳溪。集進士。周義。起。劉宜探。充大金通問使。屬官。持授從事郎制。漢使絕域。必求茂材。異行之人。唐聘諸蕃。亦用經術通明之士。爾等早游庠序。以學發身。而能臨義慨然。奮身不顧。雖為人之屬。而任則匪輕。何惜一官。成汝之志。使誠通而好結。則予之所以待汝者。豈止此哉。李壁。鳳湖。集王範。轉武翼郎。任康年。轉從事郎制。朕臨遣信使。修聘朔庭。凡與在行。悉盼優賞。爾克抵乃事。禮成來歸。進服官榮。尚思勉竭。韓大年。循從事郎制。乃者慈懿升祔。清朝。朕惟平生顧復之恩。凡親屬益厚焉。爾由始仕。獲預進官。往其欽承。思

究賢問 樊汝舟特授承事郎制 朕地幸國庠丕闡文化凡在列儒紳
及達掖之士皆被恩典顧歟夫屬亦俾進官惟古之府史謹案自持以才
顯聞者多矣其克勉之無忝上施范石湖大全集右迪功郎汪大定可從
事郎制 頃者修聘殊鄰汝爲之屬勞還第賞亦既踰時曠陞文階以寵
少從 右迪功郎余頤可右從事郎制 牛爲耕稼之本盜輒殺而殺之
固刑所不貸爾能盡得其業與則賞其可廢哉周益公大全集右修職郎
丹陽縣尉程千載裁埋冤用暗椿自建康至江陰界歲二年磨勘循右從
事郎制 勅具官某佛狸窺江吾固知其送死然植柵以安民心有不可
得而廢者汝爲邑尉董治有勞稍進其階尚思報稱可衡後樂先生集脩
職郎李圭用玉牒日曆聖政會要四處進書賞循從事郎制 金匱奏篇
累勞第賞爾與名其間豈以久而或遺敘陟文資靈爲華訖其思所以頌
此哉可 迪功郎張令敏用憲聖慈烈皇后上德掩贊賞循從事郎制
慨念憲聖因山之後今十年矣爾嘗與宣勞格應遷秩薪伐有請豈以久
而汝遺祇服恩華思効職業可 劉行簡蒼溪集張學換給付身補右從事
郎制 勅具官某爾以白丁從軍屢進官秩閱日既多朕方懲爵賞以勸
功雖若爾者亦不避棄中以書余其益知榮可 夏侯旦捕寇有功循右

從事郎制。勅具官某海隅之民。憑恃險阻。殺略人而奪之貨。無歲無之。爾督捕得獲。厥職甚修。朕心嘉焉。想賞進隨其益。知勸可洪。迺盤洲集揚。似循從事郎制。邊鄙有興。勇者當奮其力。富者當輸其財。而熾蕃成俗。休國之風。無間焉。爾心不恤緯。傾警助軍。增秩出綸。夸彼鄰曲。洪平齋集。周村轉從事郎制。勅具官某。荒政莫先於勸分。建安饑饉。不俟勸捐。私廩與邦人共之。非姪財急義。能爾耶。循陞二列。用旌好善。抑厲異時。居官及民之益。可吳泳鵬林某。兵似孫授從事郎制。勅具官某。慶壽求朝。揚徽寶冊。薄海外內。咸沐湛恩。况爾戚晚近屬。可遺錫慶耶。特循二資。往服嘉命。可。王濶特授從事郎制。勅具官某。三衛盜起。一方騷然。爾兄弟鄉之富公耳。捐家財募丁壯。同扞州城。以成官軍破賊之功。朕豈一日忘于心哉。晉涉二資。非錄鄉父兄之請也。益思靖獻哀對休光可。湯中叙復從事郎制。勅具官某。周書以明作仇。為誣漢法。以奇請它。比為閭閻。溫文而理。孝友而忠。又仕二十年。靡所愆戾。而仇人負權。曲文以內之。公朝雖例以赦叙。然共比者五十一人。尺書往還者一百十三紙。爾不以掛名焉。則益知其誣罔矣。祿以丹書。還之白璧。尚庶乎為全人也。可。趙價夫降授從事郎制。勅具官某。禮義廉恥。人之四維。爾為三泉郡。養冠至。

則先去以爲民望。非義也。已逃其難。而唯郡將之死。非恥也。二維亡矣。其何
以自達於刑哉。姑小懲之。以警百慢。奇。趙崇搏降授從事郎制。勅具
官某。聞平以經術顯。駒駘以才學聞。爾亦宗子也。不自謹飭。乃以私沽罔
法。自贖於刑章。視二漢諸子。寧無愧乎。姑上一階。五國三省可。趙崇爽
降授從事郎制。勅具官某。邑尉以慰安我民爲職者也。爾吏于繁昌。弗
自謹飭。而乃受饋。而庇庸僧。羅織而撻罷吏。失職冒禁。嘻其甚矣。姑上一
階。尚曰中典可。趙與謹降授從事郎制。勅具官某。今尉近民之官也。
而尉於民爲尤近。方湘潭盜起。爾不能督捕。以尉安斯民。又昵比隅官。而
哀歛焉。其錮秩坐廢宜矣。雖然。刺衆觀其所主。彼司風憲者。既不能表鮮
吏。尚何以望人之廉乎。可。陳宣子降授從事郎制。勅具官某。出納之
吝。謂之有司。爾庫氏以監臨爲職。視人攫金。恬弗之問。非惠姦乎。錮秩解
官。尚曰寬典可。葉壽昌降授從事郎制。勅具官某。爾以刀筆吏。補初
品官。煽爲貪風。控于吏議。始之不謹。後何以懲。姑奪一官。尚爲寬典可。
陳伯賢降授從事郎制。勂具官某。廣東列戍山前。以備他盜。潛新州之
衆以給之。舊比也。爾爲僉幕。董督餉事。迨邇遷延。愆於期會。豈爲公家忠
計哉。姑小懲之。以謹慢令。可。唐若虛降授從事郎制。勂具官某。以錦

綠博健馬。國家所以計軍實也。爾解官家居。弗自謹飭。而造錦鬻銀。以貽吏議。豈不有妨焉哉。姑鑄一階。允謂輕典。可。趙汝得降授從事郎制。勅具官某。橫逆之至於已。君子必自反而仁。狎侮之加於民。小人固以盡其力。汝得為兒徒所辱。而徑訴於度臺之下。尚何足語此哉。鑄秩罷官。自取之也。可。趙與才降授從事郎制。勅具官某。魯恭為中牟令。雉育其雛。仇覽為蒲亭長。梟哺其母。爾宰新會。訓導不純。母訟厥子。反繫其母。何用心逆人道也。朕甚痛之。其罷所居官。鑄一秩。可。陳亮登降授從事郎制。勅具官某。昔孫錫按山陽尉李宗。唐天子有云。縣尉謂其能尉安於民。而今反傷民。削其官。况爾吏於畿邑。弗務佐理。禁私銅所以救楮也。而忍於殃民。發常平所以賑飢也。而厚於豐已。尚何以任尉安之責乎。褫鑄一階。蕭夕群應。可。張燿降除從事郎制。勅具官某。吏以貪勤民為日久矣。朕嘉與士大夫更始。爾為衡陽郡幕事。無細大。悉以賄成。何奉吾詔不虔耶。其鑄二階。毋怠三省。可。王立文降授從事郎制。勅具官某。夏之天吏。以逸德為罰。商之官刑。以淫風為首。爾為州司寇。勤恪奉公之日。少狎昵燕私之時。能不自限于罰乎。鑄之二秩。尚曰輕典。可。韓榮降授從事郎制。勅具官某。叔魚鬻鄆田之獄。而從災。魏舒辭梗陽之獄。

而得諍獄之不可以賄決也如此爾為建寧李掾官以能稱而乃商財賄之重輕變獄情之曲直獨不思大命之所關乎姑鑄二階尚謂輕典可

趙崇儕降授從事郎制勅具官某吏以貪勤民久矣朕方嘉與士大夫

更始爾為州從事不能佐良二千石共宣德意而乃徂敝習授于吏評其

何以贊察方國哉視所居官仍鑄二秩爾其退自省循可曾謹降授從

事郎制勅具官某古先聖人謹于庶獄惟有司牧夫罔非在中所以克

天德而重人命也爾謹為永嘉紀綱據郡有大獄命汝鞠之不能閱實其

罰而至于失人不辜若匪郎刺史平反則民寃矣爾難去官其可追罰姑

從輕典僅鑄二階可林記孫降授從事郎制勅具官某出納之吝謂

之有司爾暫攝庫篋弗謹攸司吏盜白金逮及僕隸監臨者烏得無責其

上三階猶曰中典可任鄙降授承事郎制勅具官某綠衣黃裳國風

所以傷衛白華管茅小雅所以刺周爾先朝疑丞之子宜有典刑而妄上

僭嫡失位使人人得數其過於朕前豈容庇汝哉鑄秩罷官宜發深省可

黃從龍降授從事郎制勅具官某曹母于漢以給我襄州兵舊矣爾

奉制聞之命督餉必深不勸誘招徠而視資糧為己利抑不思懷襟之地

有師萬寇登首山以呼庚癸乎一階之罰薄乎云爾可趙波夫降授脩

長之典長三十三

職郎制趙崇仇降授從事郎制勅具官某等逆德之罰著於夏書徇貨之刑垂於高訓爾波夫尉于龍游視身弗謹爾崇仇尉于瑞安涖官弗廉既冒二戒各鑄一階可高著爾徽垣賴業同上第一等功人女適縣主簿王琪隋從事郎制胡騎南牧我師詠匪室匪家之時重以載渴載飢之苦爾賦從軍不敢告勞能為我成盪虜翦胡之功何勤如焉其陟兩階懋乃攸績迪功郎新權真州司戶林森特授從事郎制高宗皇帝嘗稱張俊言不敢虛奏迪功恐生寘報爵賞之不可濫如此虜剽環滁衆勇禦之有司上功謂爾在行何愛兩階不以遺汝漢陽軍攻真陽臺等處勦韃立功將士官吏立第一等功人補轉兩官資內漢陽縣尉吏宜之循從事郎制北邊有興士大夫從事勞不敢告爾以師命在行復能相成殄殲之功其勤至矣功狀來上吾何愛兩階不以遺汝偽朝列大夫張德直改補文林郎偽朝列大夫李國賢改補從事郎制勅具官某等江漢之師于征唐鄧之境盡復爾等窮而歸義待以同仁易授文階示有科級祇服好主之德勉殫事上之忠可

通事郎

沿革宋史職官志通事郎崇寧初以爲選人階官政和末改爲從政郎

宣教郎

沿革宋史職官志政和間。遵宣德門。改為宣教郎。玉堂紀事。今之宣教郎。即昔之宣德郎。政和四年九月。詔宣德郎

與宣德門相犯。可改為宣教郎。見任人不別給告。但改稱呼。

事實宋史本紀。紹興三年。徵河南布衣王忠民為宣教郎。至行在。辭不蒙

與地紀勝。興國軍周紫芝。紹興二十一年。右宣教郎。樞密院編脩兼實錄

院檢討官。周紫芝。知興國軍。紫芝非進士出身。又為史官。前此未有故出

之繫年錄。南康府志。朱熹已亥淳熙六年。宣教郎。三月到任。八年三月。除

江西提舉。復與白鹿書院。捐俸置東原莊。勸劉屯田。壯節亭。築石欄以防

江患。其他愛民救荒之政。具在政績。難以盡述。宋蔡崇禮北海集。降授宣

教郎。制建光。四年十一月。七日。勅朕體無私於天地。行罰不阿於近臣。考

大法於春秋。責人常備於賢者。確持此義。斷以不縱。猷猷閭直學士。適直

郎。新差知漳州軍州事。兼管內勸農使。賜紫金魚袋。蔡某風以藝文。徑躋

華近。雖暫司於銓部。仍兼直於鑒政。遽為避外之行。實徇急難之請。方趨

厥服。忽致煩言。謂借讀之愆。雖去官而可免。而持橐之重。當薄罰以示懲

服。我訓詞。毋忘祗慎。可特降授宣教郎。依前擬猷閭直學士。差違賜如故。

除改宣教郎。制宣和。四年十一月。初八日。勅從事郎太學博士蔡某。朕